



Nakon hapšenja Zeničanina u akciji "Reket"

Određen pritvor Almiru Jašareviću

Nakon što je u srijedu u akciji "Reket" Ministarstva unutrašnjih poslova Zeničko-dobojskog kantona u Zenici uhapšen Almir Jašarević (39), jučerašnji dan proveo je u prostorijama Tužilaštva ZDK, gdje ga je ispitao postupajući tužilac. Nakon toga je Općinskom sudu u Zenici upućen prijedlog za određivanje mjere pritvora koji je prihvaćen.

Ovu informaciju potvrdila nam je Naila Muratović, portparol ove institucije. Iz Tužilaštva ZDK jučer su objavljene nove informacije o uhapšenom Jašareviću.

- U okviru ove akcije, na području grada Zenice izvršeni su pretresi na dvije lokacije, i to porodične kuće, podruma i dvorišta koje koriste osumnjičeni i stana koji



Jašarević uhapšen zbog iznude i prijetnji

(Foto: J. Hadžić)

koristi druga osoba te automobila i motocikla koje je, također, koristio osum-

njičeni. Tom prilikom su oduzeti skupocjeni automobil Audi A6 i skupocjeni

motocikl, za koje se sumnja da su proizašli iz vršenja navedenih krivičnih djela. Oduzeta je i dokumentacija u vezi s vozilom te popratna oprema, mobiteli i SIM kartice, pancirni prsluk i druge stvari pronađene pretresom – saopćeno je iz Tužilaštva ZDK.

Kako se dalje navodi, postupajući tužilac je četiri mjeseca, uz tehničku podršku ovlaštenih lica MUP-a ZDK i Državne agencije za istrage i zaštitu (SIPA), provodio posebne istražne radnje, a sve radi otkrivanja i rasvjetljavanja krivičnih djela, što je dovelo do realizacije navedene akcije. Kako je ranije saopćeno, Jašarević se sumnjiči za ugrožavanje sigurnosti i iznudu. **E.D.**